

Q. D. B. V.

DISQVISITIO CONIECTVRALIS.

QVA


LEX LIX. DVODECIM TABVLARVM

DE FVRTO PER LANCEN
LICIVMVE CONCEPTO

EXPLICATVR

A DEPRAVATIONE TRIBONIANI
ET CETERORVM INTERPRETVM VINDICATVR
LEGIBVS DIVINIS CONFERTVR.

HELMSTADII,
LITTERIS HAMMIANIS.
MD CC XXI.





CONSPECTVS.

§. I. occasionem descriptionis narrat: §. II. ordinem persequitur. §. III. legem ipsam XII. tabb. proponit: §. IV. interpretationem antiquiorum: §. V. recentiorum: cum glossatorum, tum GOTHOFREDI, PITHOEI, & ANT. AVGVSTINI: §. VI. OLDENDORPII & WIELINGII: §. VII. meam ex parte affert, ac verbis ipsis legis explicatis confirmat, cum §§. VIII. & IX. §. X. integram legis sententiam promittit atque illustrat: quam §. XI. rationibus comprobat. §. XII. leges divinas consentientes excitat: quas §. XIII. enucleat: denique §. XIV. consellario concludit.

§. I.

LEgenti mihi nova literaria, Lipsia mense decembri anni proximi *Occasio* superioris MDCCXX. divulgata, occurrit dissertatio ABRA-
HAMI WIELINGII, hammonensis, de furo per lancem & *scriptiois.*
licium concepto, Marpurgi a. 1719. publicata. Cujus rationes cum perspexissem, atque una recordatus essem eorum, quæ antea apud PETRVM PITHOEVM *adversarior. subsecivorum lib. 1. c. 2.* * eodem de argumento perscripta legeram, nimirum venit in mentem, quæ de lege ista XII. tabb. ipse aliquando cogitaveram, in medium proferre. Idque feci lubentius his diebus, quibus nundinæ brunsvicenses vacationem laborum academicorum præstabant, & curatio tussiculæ laxationem animi a curis gravioribus postulabat.

A 2

§. II. Vfus

* p. 359. & seqq. opp. sac. juridic. historic. miscellan., Paris, 1602. 4. edit.

§. II.

Ordo.

Vfus autem sum hoc ordine, ut primum verba legis, de qua quæritur, prouti a variis scriptoribus varie relata sunt, proponerem: deinde interpretationes antiquiorum & recentiorum quorundam doctorum adungerem: atque his denique expositionem meam, conjecturæ in modum, subjicerem.

§. III.

Lex.

Quamvis autem est hæc una elegibus XII. tabb. quas decemviri quondam Romæ publicarunt, * ex ipsa Græcia partim repetitas: tamen antiquiorem ejus auctorem non habeo AVLO GELLIO: qui *N. A. lib. IX. c. 18. Decemviri, inquit, nostri, qui post reges exallos, leges, quibus populus rom. uteretur, in XII. tabulis scripserunt... EA quoque FVRTA, QVAS PER LANCEN LICIVMQVE CONCEPTA ** ESSENT, PERINDE AC SI MANIFESTA FORENT, VINDICAVERT. In fragmentis XII. tabb. que sunt DIONYSIO halicarnassensi adjecta a ERL-DERICO SYLBVRGIO, f. 787. volum. I. *** lex istis verbis refertur: FORTA PER LANCEN LICIVMQVE CONCEPTA VTEI MANIFESTA VINDICATO. A LVDOVICO CHARONDA IC. inter leges XII. tabb. n. 38. **** sic recitatur: FVRTA PER LANCEN LICIVMQVE CONCEPTA, SICVT MANIFESTA MVLTANTOR: quasi ex Vlpiani IC. l. 2. D. de noxal. act. quo loco equidem reperire non potui. A IVSTO LIPSIO inter leges Xvirorum numero 47. ***** refertur ita: FVRTA PER LANCEN LICIVMQVE CONCEPTA, QVASI MANIFESTA VINDICANTOR. Eodemque modo lex ista a compluribus aliis excitatur. JOHANNES quidem OLDENDORPIVS in variis lectionibus ad juris civilis interpretationem, p. 144. ***** verbum unum atque item alterum mutans, FVRTA inquit,*

* Auctor est DIONYS. halicarnass. *antiqq. rom. lib. 10. cap. 502. p. 682. GELLIVS L. XI. c. 13.*

** PETRVS mosellanus quondam e FESTO coniecit, apud GELLIVM h. l. *concepta legendum, pro concepta: videl. in notis ad GELLIVM, XVI. 10. abutulus ille quidem opera sua.*

*** Lipsiæ 1691. gr. & lat. edit.

**** A. D. ROSINPM *anti. rom. l. 8. cap. ultimo. p. 1310 ed. Colon. 1647.*

***** L. c. f. 783. opp. DIONYS. halicarn.

***** Lugdun. 1556. 8. edit.

quit, QUAE PER LANCem LICIVMQUE CONCEPTA ERVNT, SICVT MANIFESTA VINDICATO. E quibus interpretari atque emendare licebit illa, quæ WIELINGIVS proposuit, quasi e GELLIO * ab IACOBO GOTHOFREDO expressa: SI FVRTVM LANCE LICIOQUE CONCEPTVM ESCIT, ATQVE VTI MANIFESTVM VINDICATOR. Dubium enim non est, quin legendum sit: AEQVE, quo loco, ATQVE, scripsit WIELINGIVS.

§. IV.

Quod ad interpretationem huius legis attinet: juris peritus aliquis nonnominatus apud GELLIVM l. 16. c. 10. *furtorum*, inquit, *questiones cum lance & licio, evanuerunt, omnisque illa XII. tabb. antiquitas - - lege abutia lata consopita est:* ** referens ille videlicet verba legis, per lancem liciumque concepta, ad inquisitionem; similiter ac SEXTVS POMPEIVS FESTVS de verborum significatione, p. 304. *** *Lance & licio dicebatur apud antiquos, quia qui furtum ibat querere in domo aliena, licio cinclus intrabat, lancemque ante oculos tenebat propter matrum familia aut virginum praesentiam.* In eadem sententia fuisse patet IVSTINIANVM, ejusque administros, TRIBONIANVM, nec non ceteros viros illustres, *** qui *furtum conceptum* id esse definiverunt, cum apud aliquem testibus praesentibus furtiva res quaesita & inventa sit. Nam in eum

Interpretatio antiquorum:

A 3

propria

* N^o A. XI. ult. ** Atqui in lege illa abutia nihil erat de questione furti cum Lance & licio. Neque ut ejus argumentum a GELLIO relatum est: neque, ut LVDOVICVS CHARONDAS in fragmento quodam romana antiquitatis reperit. Sic enim scripsit fuit: L. FEBVTIVS, tribunus plebis, iur popularis, legem tulit ad populum, ut XII tabularum capita, qua inutiles essent republicae, tollerentur. Qua lex multis contradicentibus tandem rogata est. Ap. RO-SIN. antiq. rom. lib 8. cap. 7. p. 1345.

*** Editionis GOTHOFREDI, inter auctores latinae linguae, Genetz 1622. 4. Sed SCALIGER, non reprens, quomodo iste, qui tali modo faciem tegeret, furtum videre ac concipere posset, ad hunc locum FESTI, Nescio dixit: prout retulit DION. GOTHOFREDVS loco mox citando.

**** § 4. *inst. de obligationibus qua ex delicto nascuntur.* Similiter GELLIVS l. XI. c. 13. *Furti concepti item oblato, scripta pona est.* Sed quod sit oblatum, quod conceptum. Et pleraque alia ad eam rem, ex egregiis veterum moribus accepta, neque injuncta, qui legere vult, inveniet SABINI librum, cui titulus est, de furtis.

essent. Alii, quia is ritus esset furti quarendi, sicuti in emissionibus as & libra solenniter adhibebantur. Alii (Mar. Tat. Alpinus, & Balduinus) furto per lancem & licium significari putant furtum rerum ad sacrificia collegiarum, quo fini ministri sacrarum licio cinili lancem ad eas comportandas gestabant. Hæc doctissimus ille GOTHOFREDVS. PETRVS PITHOEVS * furtum per lancem & licium conceptum interpretatur: furtum, quod a liitore aut viatore licio pracincto, ipso aut alio quolibet comite indicium & fidem in lance præferente, ex auctoritate magistratus perquisitum inventumque sit; subijcitque ** locum e PETRONII Arbitri satyrico, quo puer, qui in balneo aberraverat, quæritur a præcone: *nec longe a præcone Ascleptos stat, amittens discoloria veste, atque in lance indicium & fidem præferens.* Quo loco inquisitionem rei furtivæ comite liitore lancem præferente olim factam confirmare instituit ill. jc. PITHOEVS. Quo prior ANTONIVS AVGVSTINVS similiter fere censuit. Itaque, arbitror, inquit, ut appareret eum magistratus iussu in domum alienam ingredi ad furtum concipiendum, licio pracinctum fuisse; lib. de legibus, tit. LL. XII. tabb. §. XXIX. Quamquam de lance tandem cum SEXTO POMPEIO sensit idem AVGVSTINVS, l. cit. ***

§. VI.

JOHANNES OLDENDORPIVS commentario ad leges XII. Tabb. *** cum ad hanc legem explicandam devenit: *ingeniosa est, pui, Møsel-lani & Wiclingii* inquit, hominum malitia ad peccandum. *Quare & fures, ut propositam alienarum rerum contestationem interdum commodius expedirent, non aperta facie domum intrabant, sed licio seu filo cinili, lancem duobus foraminibus apertam ante oculos habebant, ut matres familiarum aut virgines, aliqua ancilla in domo forte fortuna obvia terrentur, fugerentque potius, quam quod de cognoscendo vel observando fure essent sollicita, ac interim illi res surriperent.* Lanx enim vas æscarium paulo minus quam patella excavata,

* *Adversar. subseciv. l. i. c. 2. p. 360.*

** p. 360. & 361.

*** Vol. 2. anteqq. rom. GRAEVII. fol. vel eol. 1305.

**** In variis lectionibus juris, p. 147. & 148.

*tum, dicebatur. Hæc ille ingeniose magis, quam vere. RIVAL. TIVS allobrox existimat, licium fures trahisse, quo furta alligarent, & lancem pra oculis, ne immotescerent; quod etiam testatur ALEXANDER, gemial. lib. 6. c. 10. Siquidem credimus PETRO mosellano, not. ad GELL. XI. 18. Basil. 15. 8. ed. At idem PETRVS not. ad GELL. XI. 18. (Colon. 1537. 8. ed.) furta per lancem & licium concepta, opinatur ea esse, qua quanti fuerint, etiam ipsi fures ignorent. Quod qui lancem aufert furandi animo, non statim cognitum habet, quanti valeat lanx illa. Contra WIELINGIVS * ita interpretatur verba legis, ut concipere putet idem esse ac vindicare, lancem, libram, qua de eis causa dominium rei ablatæ denuo quasi acquireretur; licium, cingulum, quo præcincti erant lictores, ut eos publica autoritate adesse domino furtum requirenti appareret. Nimirum, hoc curæ erat decemviris, hæc digna XII. tabulis materia, quo ritu, imo quo cingulo lictores uterentur, cum rem furtivam requirerent.*

§. VII.

*Mea ex
parte pro-
ponitur, ac
confirma-
tur. pri-
mam. ver-
bis legis.*

Mea autem sic sententia ac conjectura fert: in lege illa XII. tabb. *furtum per lancem & licium conceptum esse illud fraudis aut furtigenus, quod falsa statera falsave mensura committitur a mercatoribus. Huic interpretationi verba omnia legis suffragantur. Nam furti quidem hoc genus esse, cum falsa statera falsave mensura emtor decipitur, dubitari non potest. Quod genus cum sit clandestinum, & subtile, hoc magis etiam vetari debuit. Porro lancem esse hoc loco bilancem vel stateram, vel si hoc mavis, alteram stateræ lancem, patet ex illis CICERONIS in academicis questionibus: ** ut lancem in libra ponderibus impositis deprimi, &c. Item ex EIVSDEM de finibus bonorum & malorum: *** virtutis autem amplitudinem quasi in altera libra lance ponere; terram, mihi crede, ea lanx, & maria deprimet. Et in insculan. question: **** libra illa Critolai; qui cum in alteram lancem ani-*

* Diatriba in principio laudata.

** l. 4. §. 38.

*** l. 5. §§. 91. 92.

**** l. 5. §. 50.

animi bona imponat, in altera corporis & externa; tantum propendere illam boni lancem putet, ut terram & maria deprimat. Quanquam hac probatione opus non fuit, ubi ipsos legis interpretes, e. g. Pithæum & Wielingium, consentientes habebamus. Præterea *licium** esse hac potestate hoc loco adhibitum, ut funiculum vel filum significaret, quo res mensurarentur, ex eo intelligitur, quod haud dubie græci** & romani ad mensurandas res etiam funiculo usi sunt. Perinde atque idem fit etiam hodie tum in agris, tum in aliis rebus dimetiendis. IO. PHILIPPVS PFEIFFERVS antiquit. *græc.* l. 2. c. 41. *** Verum, inquit, gravium mensura erat pondus, quod constabat certa massa solida, metallica videlicet aut lapidea. Magnitudinis denique mensura petita erat potissimum a partibus humani corporis, ut sunt digitus, palmus, pes, cubitus: vel qua his multiplicatis constant, ut sunt passus, decempeda, &c. Quo referenda sunt perica & funiculi, vel pedum vel cubitorum certo numero definiti. MATTHAEVS HOSTVS l. 3. de mensuris ac ponderibus c. 5. sqq. multis verbis demonstrat, funiculum etiam apud ægyptios, persas, & palæstinos, in mensuris adhibitum fuisse. Quod etsi ad legis hujus interpretationem non sufficit: quandoquidem funiculus pro certa mensura magnitudinis vel spaciū usurpatus esse apparet: tamen in hoc juvat interpretationem nostram, quod funiculum ad mensurandum adhibitum fuisse comprobatur. Nam si in agris, in spaciis, in magnitudinibus ceteris metiendis licio vel filo usi sunt populi, quidni etiam in suis rebus mensurandis mercatores vel institores? Nec vero hodie apud institores nostros sic receptus ulnæ lignæ vel ferreæ usus est, ut non etiam interdum licium adhibeatur, præsertim in majoribus magnitudinibus mensurandis.

B

§. VIII.

* E *limo* dictum: unde est *trilicium*. &c. Quidam germanorum *lizen* vocant hujusmodi fila vel funiculos.

** Græci *χαιρ*, *χαίρων* & *χαίρμα* dixerunt; item *σπαστρον*, ac *σπαστρον*, funiculum mensurarium: ebraei *פסל פתיל* *pasel*, Ezech. XL. 3. *חבל סרה* *chavel middab*, Zach. II. 5. & *חבל סרה* *chaf hammiddab*, Ierem. XXXL 39. vid. *Matthaei Hostii* app. vol. 2. lib. 3. c. 5. p. 244. sqq. Amstelod. (Lipsi) 1692. 4. edit. *** p. 310.

§ VIII.

Jam *conceptum* furtum quod dicit lex nostra, nihil aliud, nisi perpetratum, admissum vel factum, vult intelligi. Id quod vel ex locis constat CICERONIS: ubi *scelus* * *conceptum*, *fraudes* ** *concepta*, *flagitia conceptum*, *** hoc significant, nempe scelera, fraudes, flagitia, perpetrata. Quod si quis morosius urgeat, scelus & furtum conceptum, posse etiam intelligi id, quod tantum cogitatum sit, non patratum; is quidem se nihil proficere sentiet, cum furti modo cogitati nullam pœnam esse recordabitur ex l. 1. D. de furtis. **** At vero qui furtum conceptum putant idem esse ac investigatum & deprehensum, sequuntur illi quidem sensus JVSTINIANI, & ceterorum Jctorum, sed legem XII. tabb. minus recte interpretantur. Quippe cum sit ab omni consuetudine sermonis romani ***** alienum, conceptum id usurpare delictum, quod sit deprehensum, concepisse facinus, eum dicere, qui perquisivit atque invenit. Atque ea quidem in re consentit nobis OLDEN. DORPIVS & RIVALTIVS, reclamatione PITHOEVS.

§ IX.

Manifestum autem quod dicitur furtum in lege nostra, id puto intelligi, quod facile deprehendas, re ablata scilicet in oculos incurrente, non modo cum aufertur, sed etiam cum ablata est. Paulo aliter quidem JVSTINIANVS ***** furtum, vel furem manifestum definivit: verum ejus nos subtilitas parum movet: quippe quæ cum legibus XII. tabb. nihil habet coniunctum. Liqueat igitur, hac lege furtum per lancem & licium conceptum, haberi inter non

* in Verrem lib. 1. §. 9.

** in Senecar. lib. 1. §. 70.

*** pro P. Sylla §. 10.

**** Quo adde l. 18. D. de pœnis: Cogitationis pœ-

nam nemo patitur.

***** Antiqui scilicet illius, & melioris. Id quod sensisse videtur THEOPHILVS institutionum interpres græcus, cum latinum vocabulum *conceptus*, etiam in græco servavit § 4 I. de oblig. qua ex del. nasc.

***** § 3 in § de obligat. qua ex delicto nascuntur. Item GELLIVS l. XI. c. 14. ex MASSVRIO.

non manifesta: quoniam ad illud deprehendendum sollicitia quaedam & instrumentis nimirum opus est: quandoquidem res ablata, & quasi corpus delicti non apparet. Denique vocem vindicare lex nostra posuit, ut poenam significaret. Est enim vindicare idem quod punire, e.g. apud CICERONEM in oratione pro QUINCTIO: * *Is eam rem quam vehementer vindicandam putarit, ex decretis ejus poteritis cognoscere.* Item pro S. ROSCIO AMERINO: ** *petimus, inquit, a vobis, ut quam acerrime maleficia vindicetis,* item epistola ad M. COE- LIVM: *** *Discordias ferrum & vis vindicabit:* prouti quidem habent meliores editiones. Suffragatur huic expositioni vocis illud, quod vocem *vindictor*, alia ejusdem legis editio reddidit *multator*. Multam enim poenam esse nemo dubitat.

§. X.

Igitur collecta vocabulorum omnium potestate, hic erit sensus legis: *furtum vel fraudem libra ulnave commissum, perinde ac furtum manifestum esse puniendum.* Teutonicus ediceret: *Ein diebstahl mit maas oder gewicht begangen, soll als ein öffentlicher gestraffet werden.* Vel hoc modo: *Die diebereyen, welche mit der wagschale oder mit der messschnur begangen werden, sollen gleich den öffentlichen bestraffet werden.* Plana, simplex, & conveniens XII. tabulis sententia. Quod si eadem lex quondam atheniensibus erat a Solone scripta, fortasse his, aut similibus verbis concepta fuerit: *Τας δια ζυγῶν καὶ χοιρῶν γενομένας κλοπὰς, ὁμοίως Φανερὰς, ἐκδικητέον.* Ac consueverunt sane legislatores poenas legibus comparatione facta adicere. E. g. DRACO, legi de furtis: *καὶ τὰς λαχὰν κλεψαντας, ἢ ὁμοίως κολάζεσθαι τοῖς ἱεροσυλοῖς, καὶ αἰθεροφονοῖς.* *Qui olus furati essent, aut fructus hortenses, eodem modo puniri jussit, quo sacrilegos, & homicidas.* **** Male autem legem nostram SAM. PETITVS confundit legi de inquisitione rei ablatæ, quam inter atticas ceteras representavit ***** e PLATONE hoc modo: *Φαραστοντα γυμνον*

B 2

ΣΙΤΩ-

* §. 28.

** §. 12.

*** L. 8. epist. ad fam. ep. 14.

**** Apud PLUTARCH. in Solone: & Io. Meurs. thes. ant. lib. 2. cap. 1. fol. 1906. vol. V. antiquiss. græc. GRONOVII.

***** Commentar. in leges atticas, fol. 333.

ΧΙΤΩΝΙΣΚΟΝ ΕΧΟΝΤΑ ΑΖΩΣΟΝ ΕΙΣΙΣΤΕΙΝ ΕΙΣ ΤΗΝ ΟΙΚΙΑΝ ΕΠΙ ΤΩ ΑΡΤΗΥΣΑΙ
 Cum quidem rescribere debuisset : *χίτωνον, η χιτωνισκον έχοντα, αζω-
 σον* & latine reddere, *nudum aut insculptum indutum, non praeinotum.*
 At ille reddidit : *Qui furtum it querere in domo aliena, cincticulo ami-
 ctus intravit.* Et superscripsit hunc titulum : *Attica quoque lege vindica-
 batur furtum per licium conceptum.* Nempe hunc quoque præcepta
 animo fefellit opinio. Porro quia poena servitutis erat furto ma-
 nifesto imposita per *legem 57 XII. tabb.* * nimirum eadem poena ser-
 vitutis in furtum hujusmodi mercatorum statuta esse intelligeba-
 tur per *legem nostram 58.* Jure quidem novo, vel justiniano, poe-
 na furti *manifesti* est quadrupli : ** furti vero *concepti* poena tripli. ***
 Verum uti illud novum, ita hoc ex prava legis nostræ interpreta-
 tione profectum est, ut furtum aliquod *conceptum* diceretur, quod
 proprie neque manifestum neque non manifestum putaretur. ****
 Vtique enim hoc furtum, quod per lancem liciumve committitur,
 ex sententia XII. tabb. est ad genus furti non manifesti referendum,
 quanquam jure earundem tabular. poena furti manifesti etiam vin-
 dicandum.

§. XI.

Confirma-
 tur ratio
 nibus & sim-
 plicitate
 XII. tabb. &
 legis hujus
 necessitate.

Neque vero verba tantum legis nostræ interpretationi favent,
 verum etiam tota legum & duodecim tabb. quotquot supersunt, dis-
 positio. Quippe quas brevitatis commendat, & gravitas, atque simpli-
 citas :

* secundum numerum CHARONDAE. Quo adde GELLIVM l. 20. c. 1. Lex LVII.
 est : Si luci in furto prehensus telo se defenderit, & im. eum) aliquis occisus oc-
 ciderit jure casus esto. Si telo se non defenderit, liber virgis casus ei, cui fur-
 tum factum est, adducitor : servus verberibus casus & saxo praeceptor : puer im-
 pubes, pratoris arbitratu verberator, noxamque facito. NICOLAUS quoque
 Damascenus, libro de moribus graecor. aliarumque gent. prodidit memoriæ
 apud lycios furem manifestum servituti addictum fuisse : *Ος δ' αὖ ελευθερος ἀλφ
 λασσων, δουλος γινεται.* Volum. 6. antiq. græc. GRONOVII, col. 389i.

** y GELLIVM l. XI. c. 18 & §. 5. inst. de obligat. qua ex delicto nascuntur.

*** y. GELLIVM l. c. **** Ipse JUSTINIANVS §. 3 Inst. de obl. qua ex del.
 nasc. Furtorum a. duo sunt genera : manifestum, & nec manifestum. Nam
 conceptum & oblatum, species potius actionis sunt, furto coherentes, quam
 genera furtorum, sicut inferius apparebit.

scias: a qua longe abest subtilitas illa institutionum & digestorum justinianeorum. Neque enim XII. tabb. *modum perquirendi furti per lancem & licium* præscribebant, sed instrumenta fraudum lances & licia mensoria demonstrabant: ac ne liceret impune infortioribus furta fraudesve committere, pœna proposita prohibebant. Eadem cum vindicandum jubebant furtum lance liciove conceptum, non hoc volebant, *actione vindicationis in foro instituta rem hujusmodi furtivam repetendam esse*, libellum titulo *vindicationis furti concepti* inscribendum, quod TRIBONIANI tuit docere: sed simpliciter puniendum esse illud furti genus, perinde, ut manifestum, constituiebant. Recteque animadvertit LVD. CHARONDAS, IC nullam *actionis* in legg. XII. tabb. mentionem esse factam. Porro ratio legis ferenda fuit *necessitas*, & furtorum hujusmodi minus manifestorum frequentia. Quam ex eo quoque intelligimus, quod publice erant a græcis magistratus constituti, qui mensuras, æe nominatim libras, explorarent. Illi *μετρητορας*, h. e. *mensurarum directores*, hi *ζυγοσταται* i. e. *librarum examinatores* dicebantur Athenis. * Constat autem e legibus SOLONIS atheniensis duodecim tabulas potissimum confectas a viris romanis esse. Atque eadem res, delictorum nempe hujusmodi frequentia, fecit, ut, quamvis essent furta nec manifesta, tamen ab his graviore pœna distinguerentur in lege nostra. Nam cum furti nec manifesti pœna dupli esset, secundum legem XII. tabb. 19. ** *Si adoras (facit) furtum, quod nec manifestum esset (erit) duplionem luito*: furto per lancem & licium concepto eadem, ut dixi, pœna, quæ furto manifesto, fuit imposita. Quæ ratio nisi fugisset FAVORINVM philosophum, legem etiam de furto manifesto, quæ est in XII. tabb. acer-

B 3

bi

* v. PFEIFFER *ant. græc.* l. 2, c. 48 p. 335. 336. Porro *μετρητορας* hujusmodi XV. numero fuisse, & decem quidem in *Piræo*, quinque in urbe, docet ex HARPORCRATIONE, IO. MEVSIVS in *Piræo*, cap. V. & *attic. lection.* lib. 1. cap. 8. in volumine V. *antiq. græc.* GRONOVII.

** ed. CHARONDAE. Eadem fuit lex SOLONIS, de qua DEMOSTHENES in *Tymocrasæ*, GELLIUS XL. 18. & PETITVS *comment in LL. atticæ*, f. 519. Fulvius Ursinus not. ad leges rom. *Sei adorat furto, quod nec manifestum esset*; c. FESTO: Vol. 2. *antiq. rom.* GRÆVII, col. 135y.

bitatis non accusasset, apud GELLIVM. * Verum huic SEXTVS COELIVS ICTus respondit, quæ debuit, apud eundem.

§. XII.

*Consensu
denique
cum egiſſem
divinis.*

Porro eadem caussa movit summum legislatorem MOSEN, ac ceteros scriptores divinos, ut sæpe multumque *justas lances*, licitæ habenda esse præciperent, injusta graviter prohiberent. *Levitic. XIX. 35. 36. 37.* ita mandatum ebrais est: *Ne inique quicquam faciatis in foro, sive per modium, sive per pondus, sive per mensuram: balances justæ, pondera justæ, medimnus justus, & amphora justæ sit vobis: siquidem ego Deus sum dominus vester, qui eduxi vos ex Aegypto: ejus statuta ac jura omnia vos observare atque exequi decet. Ego enim Deus sum. EZECHIELIS XLV. 10:* sunt ista: *lances justæ, & medimnus justus, & amphora justæ sit vobis &c.* HOSEAS XII. 8. graviter conqueritur de furto per lancem concepto, mercator, inquit, manu lances dolosas tenet, ut amicum decipiat, cetera. MICHA VI. 11. indignanter inducit Deum: egone, inquit *probem quencquam, qui lances improbas habet, & in loculo pondera dolosa?* PROVERB. XI. 1. ita scribitur: *lances dolosa Deo sunt invisissima, plenum pondus ei placet.* Item PROVERB. XX. 11. *pondus aliud atque aliud, modius alius atque alius, ambo Deo sunt invisissima.* Et v. 23. *despuit Deus pondus varium, & lances dolosa ipsi minime placent.* Item PROVERB. XVI. 11. *Statera & lances justæ placent Deo: pondera omnia mensurarum ejus sunt opera.*

§. XIII.

*Quæ illu-
strantur.*

In quibus quidem oraculis etſi singula verba pondus habent, tamen duo præcipua capita sunt, quæ diligentius etiam atque etiam consideranda videntur. Primum, quod pondera mensurasque summi numinis opus esse declarant: ** פֶּלֶס וּמִאֲוֵי מִשְׁפָּט לַיהוָה

* Lib XX. cap. 1. Disceptatione SEX. COELII IC. & FAVORINI philof. de LL. XII. tabb.

** Prov. XVI. 11. Quorum verborum vim non exhaustit ABRAHAM F. ESSE, cum de justis & approbatione divina interpretatus est: כִּמּוֹ לְפֶלֶס בְּעֹבֹר

כִּסִּים: ליהוה מעשהו כל אבני כִּסִּים: *Libra & lances fori ad Deum pertinent;*
opus ejus sunt omnia loculi pondera, vel, si vocabulum ebraeum ma-
vis, omnes lapides. * Videlicet, ut *(sancta, ut inviolabilia esse do-*
ceant illa quoque justitiae adminicula: quippe Deo dicata, aq-
Deo profecta. Etenim uti ipse rerum creator, pondere, mensura,
*numero Deus omnia fecit: *** atque idem Deus summus jure magistra-
 tus est, & justitiae autor, procurator ac vindex sanctissimus; ita re-
 cte appositeque prophetæ id tribuunt Deo, quod ipse quasi cælo
 demiserit lances, ponderaque singula suis veluti notis quibusdam
 signata hominibus distribuerit. Quod si quis quærat ex illis, quid
 Deus egerit ante quam mundum conderet, apte respondebunt: li-
 bras atque ulnas fecisse, quibus uterentur homines. Atque hoc
 aptius illi sane, quam quod aliquis e doctoribus christianis re-
 spondisse fertur. Deinde memoratu dignissimæ sunt formulæ, qui-
 bus prophetæ utuntur, cum Deo fraudes istas vel furta displice-
 re ostendunt: *מאזני כרסה תועבת יהוה: Lances dolosas abhorret Deus. ****
Item: תועבת יהוה אבן ואבן ומאזני כרסה לא טוב: Abhorret Deus
varium pondus, vel lapidem, lancesque dolosas minime bonas vel pul-
chras judicat. In quarum posteriore sententia, & verbis quidem
 postremis, minutio continetur, figura, qua minus dicitur, quam
 intelligitur. *Non bonum, hoc est pessimum; non pulchrum, hoc*
est foedissimum ac turpissimum. Prioribus autem formulis, quibus
abhorre dicitur Deus, id significatur, nempe furtum per lancem,
 licium, ac cetera mensurarum genera, esse ex gravissimis, atrocis-
 simisque delictis, quibus acerbissime indignetur Deus, atque ad
 vindictam sumendam asperrime commoveatur.

§.XIV.

למעד בעבור כי הוא צוה לעשות במשקל ובמאזנים כמשפט: *Lamed*
præfixum nomini Dei, significat propter. Quia Deus præcepit, libra & lan-
cibus jussu uti. *אֲלֵךְ לֹא הָיָה וְהָטַעַם כִּי הוּא חֶמֶץ כַּחֵם: Aliiter*
etiam intelligi potest illud ad Deum; quod ad ipsum videlicet pertineant,
eo nempe sensu, quoniam ipsi vehementer placent.

* Lapidibus enim usos esse pro ponderibus ebraeos, hinc videtur posse colligi.
 ** Sap. XI, 22. *** Prov. XI, 1. item IX, 11. & 23.


§. XIV.

Conclusio.

Consequens est jam, ut fateamur, legem illam XII. tabb. de furto per lancem & licium concepto, neque injustam, neque inultilem, & consentaneam esse juri divino: sed a IVSTINIANO ac ceteris legum interpretibus, non modo recentioribus, verum etiam IVSTINIANO ipso antiquioribus, mire depravatam. Cujus quidem rei duplex causa reddi potest: altera legis antiquitas, altera subtilitas interpretum. *Obscuritates*, inquit SEXTVS COELIVS IC. apud GELLIVM, * *non assignemus culpa scribentium, sed incitiam non assequentium.* Quamquam ii quoque ipsi, qui quæ scripta sunt, minus percipiunt, culpa vacant. Nam longa ætas verba atque mores veteres obliteravit, quibus verbis moribusque sententia legum comprehensa est. Trecentesimo namque anno post Romam conditam, tabula composita scriptaque sunt: a quo tempore ad hunc diem anni esse non longe minus septingenti videntur. Hæc ille. Atqui ab ætate GELLII, qui seculo II. post CHRISTVM natum fuit, ad nostra usque tempora, quindecim secula sunt. Subtilitas autem interpretum fecit, ut in legis nostræ expositione, ubi furti nomen reperiebant, nonnisi de furto ex definitione sua concepto cogitarent, vindicandi autem verbum prorsus de rei vindicatione accipiendum esse sibi persuaderent. Itaque leges duas inter se plane diversas, alteram de inquisitione rei furtivæ, & alteram de fraudibus vel furtis venditorum in unam confuderunt interpretes. Id quod pace maximorum virorum dictum esto.

* XX. 1.

FINIS.



):(o):(
 